

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126133](#)

Neque minus nocet inimicus ille, bono semini filiorum Dei zizaniis hypocriseos, sicut id Eva cum omnibus posteris, irreparabilis suo damno experta est, dum serpens ille antiquus, blandimentis suis illam seduxit, Gen. 3. v. 1. seqq. & sicut h̄c in parte in Angelum lucis ille transformavit se: sic & omnes Pseudo-Apostoli & operarii subdoli transfigurant se in Apostolos Christi, & in Ministros justitiae, 2. Cor. 11. v. 13. seqq. in hypocrisi loquentes mendacium, & cauteriatam habentes conscientiam, 1. Tim. 4. v. 2. Tales tempore Christi erant Pharisæi & Scribe, quos propterea hypocriseos nomine Servator graviter perstringit, Matth. 23. v. 15. Idem fit in Papatu, ubi Clerici rationem habent sapientiae, in electiis cultibus & humilitate, Colos. 2. v. 23. quo ipso multos ad se allicitunt, qui deinde circa fidem & salutem naufragium faciunt, 1. Tim. 1. v. 19. Hinc Servator præmonet nos: Cavete à Pseudo-Prophetis, Matt. 7. v. 15. 1. Joh. 4. v. 1.

Deinde quoque zizania hypocriseos occurunt in vita communi, quæ hostis ille malignus in omnibus statibus inter semen filiorum Dei disseminavit: Multi enim offerunt se falsi fratres, qui blandiores sunt ore suo, quam butyrum, & ipsi sunt gladii, Psal. 55. v. 32.

Talis fuit Cain, sub praetextu amicitiae Abelem occidens, Gen. 4. v. 8. nec non Joab, 2. Sam. 3. v. 27. 2. Sam. 20. v. 9; item Judas Proditor Christi, Matth. 26. v. 48.

Quia igitur mundus plenus est zizaniis insidiarum, Sit. 11. v. 31. pii Christiani temporis inserviant oportet, ut sint prudentes sicut serpentes, & simplices sicut colum-

ba, Matth. 10. v. 16. h. c. ut Siracides idem explicat: multi sint illis pacifici, consiliarius autem unus de mille, c. 6. v. 6. Confer Prov. 26. v. 25.

Spargit quoque Satanæ zizania scandalorum, quibus nobile triticum si non penitus supprimitur, tamen ad minimum inficitur.

Eiusmodi scandalum excitavit, per idolatriam Aarons, cuius occasione triginta tria millia hominum ceciderunt, Exod. 32. v. 23.

Eiusmodi zizania adhuc hodie per variâ peccata & flagitia spargit, & Regnum suum amplificat, ut non abs te moneat Apostolus: Attendite vobis &c. Acto. 20. v. 28.

### De Secundo.

**S**equitur Medea, quæ fluit

1. Ex seminantis humanitate, qui in praetexto Evangelio vocatur homo, & in explicatione parabolæ hujus, filius hominis: is est Christus ipse, qui ita appellatur, quia est semen mulieris, Gen. 3. v. 15. natus ex Maria virgine. Hic prædicat in præsenti Pericope, ut & in quatuor Evangelistis. Et ante adscensionem suam homines ad ministerium verbi ordinavit. Hoc ipso Altissimus nobis singulare beneficium exhibuit: quodsi enim immediatè ipse nobis concionaretur, Majestatem ejus minime ferentes, potius ab ipso fugeremus, quam ad ipsum appropinquaremus, ut ex promulgatione legis patet, Exod. 20. v. 19.

Et quamvis in verbi ministerio per Angelos nobiscum ageret, nec Angelicam claritatem sustinere possemus. Angeli enim Spiritus sunt, non habentes corpora, sicut

sicut nos homines : unde & metus atque terror oritur , si homo Spiritum talēm consipiat . Vide Judic.6. v.22.23. Tob. 12. v. 15.16.

**Θιλανθρωπιαν** suam in eo igitur nobis probavit , quod homines nobis præcones constituit , qui confratres nostri sunt , & thesaurum verbi divini in yasis fictilibus habent , 2.Cor.4. v.7. & ita in Spiritu lenitatis restaurare nos possunt , si præoccupatus fuerit homo in delicto aliquo , Gal.6. v. 1. quia enim & ipsi infirmi & peccatis obnoxii sunt , possunt eō melius patientia in Auditores urit: Auditores quoque commodius instructionem eorum suscipiunt , quam si Deus ipse vel Angelus cum illis ageret . Agnoscite igitur hoc beneficium , obedientes Præpositis vestris & parentes eis &c. Hebr.13. v.16.17.

Quamdiu Deus per homines & verbi ministerium nobiscum agit , gratiam suam offerit nobis : Quando vero homines præ malitiā , homines verbum annunciantes audire renunt , Deus alio modo prædicare incipit , sive per horrenda prodigia in cœlo , in aere , & in aquis : sive per Cometen , quod peculiare iræ divinae indicium est , & certissimas pœnas , quin & sepe exitium temporale & æternum post se trahit.

Celebramus igitur meritō ingentem Dei gratiam , quod nobis ex fratribus nostris Doctores constituit , dicentes : Quid est homo , quod memor es ejus ? & filius hominis quoniam visitas eum , Psal.8. v.5. Quod & Filius ejus ipse homo & hominū præco factus , eō fine humanitatem induīr , ne ab ipso metueremus , sed potius per gratiosa sua labia nos ad se attraheret.

Diligit Deus populos ! cum stupore exclamat Moles , Deut.33. v.3.

II. Ex seminis bonitate . Christus ipse ait : Bonum semen sunt filii Regni , h.e. pii Christiani , qui hæreditati acceptuti sunt paratum sibi Regnum à constitutione mundi , Matth.25. v.34.

Hi igitur bonum semen sunt , non per naturam , sed per gratiam . Naturā enim nemo bonus est , nisi unus Deus , Matth.19. v.17. Contrà verò omne figmentum cogitationum cordis tantummodo malum est omnibus diebus , Gen.6. v.5. c.8. v.21. Peccatum enim originale , quod omnibus innatum est , efficit , ut malum semper nobis , renatis quoque adjaceat , Rom.7. v. 20. ex hoc velut scaturigine derivatur peccatum actuale , quando enim concupiscentia concepit , parit peccatum , Jac.1. v. 15. & ita sumus populus , gravi iniquitate , semen nequam , Esa.1. v. 4. verū per semen incorruptibile verbi divini , quod est verbum veritatis , genuit nos voluntariè , Jac.1. v.18. ut jam vicissim sumus bonum semen , quod gratificavit sibi in dilecto , Eph.1.v.6.

Hoc bonum semen conservabit sibi Deus ad consummationem seculi ,

1. Per regenerationem , quæ fit in baptismo : Quicunque enim in Christum Jesus baptizati sunt , Christum induerunt , Gal.3. v.27. & cum eo fecerunt stipulationem bonæ conscientiæ , 1.Petr.3. v.21.

2. Per Spiritus sancti mysticam communicationem , quæ pluviae confertur , Psal.68. v. 19. per hanc enim pluviam Christiani bonum semen parantur , ut sint arbores

justitiae, plantatio Domini, ut glorificeatur, Isa. 61. v. 3. producunt quoque varios fructus Spiritus quales sunt: charitas, gaudium, pax, patientia, benignitas, bonitas, longanimitas, fides, mansuetudo, continentia, castitas, Gal. 5. v. 22.

Quemadmodum vero bonum semen fructum non fert, nisi prius emoriatur in terrâ, in quâ sepelitur: sic & vetus homo, in nobis emoriatur necesse est, qui corruptitur secundum desideria erroris: Deinde renascitur novus homo, qui secundum Deum creatus est, in justitâ & sanctitate, Eph. 4. v. 22.

Quia verò in mundo hoc imperfecto perfectionem non assequi valet, sed in fine vite leminatur in corruptione: tamen surget in incorruptione, 1. Cor. 15. v. 42. & tunc virebit ut palma, & sicut Cedrus Libani crescat, Psal. 92. v. 13.

III. Ex divinâ longanimitate. Ubi enim famuli zizania animadvertisunt, Dominum suum accedunt, dicentes: Domine, nonne bonum semen seminasti in agro tuo? Unde igitur habet zizania? Et ait illis: Inimicus homo hoc fecit. Servi autem dixerunt illi: Visigitur, imus & colligimus ea. Et ait: Non, ne forte colligentes zizania, eradicetis simul cum eis & triticum.

Hic Christum zizania non eradicari, sed crescere velle audimus, usque ad messem, h. e. usque ad diem ultimum, tunc demum triticum à zizaniis congregandum & in horseum vitæ æternæ preferendum curabit, ubi zizania in inferno igne inextinguibili comburentur.

Interea videant impii, ut bonitate &

longanimitate Dei ad penitentiam adducantur, Rom. 2. v. 4. ex hac ipsâ enim causa oriri facit Solem suum super bonos & malos: & pluit super justos & injustos, Matt. 5. v. 45. ut omnes ad penitentiam revertantur, 2. Petr. 3. v. 9.

Tali patientia invitavit Deus primum mundum, Genes. 6. v. 3. nec non Ninivitas ad penitentiam, Jon. 3. v. 4. quâ longanimitate nos hodie quoque expectat, est enim clemens, & misericors, patiens, & multæ miserationis, Jon. 4. v. 2.

Hæc consolatio tua esto, mi Christiane! si forsan ex innata infirmitate in aliquo delicto præoccupatus es, Gal. 6. v. 1. non propterea statim projiceris, quia Dominus sustentat manum tuam, Psalm. 37. v. 24.

### De Tertio.

R Estat Cautela, quæ tribus absolvitur Regulis, quarum

1. Hostem observa. Quod fiat sedulâ vigilantiâ. Cum enim dormirent homines, venit hostes ejus, & leminavit zizania inter triticum. Sicut igitur somnolentia causa est sparsorum zizaniorum inter triticum: ita spirituali vigilantiâ inimico aditus interclusi potest: unde Petrus, vigilate, 1. Petr. 5. v. 8.

D Eus tanquam supremus vigiliatum præses, qui neque dormit, neque dormitat, Psal. 121. v. 4. alios vigiles, alios circutores constituit, idè quilibet sedulò excubias agat, ut in quâ vocatione vocatus est, in eâ permaneat, 1. Cor. 7. v. 20.

Vigilias agunt Verbi Ministri, qui quando hostem, zizaniis falsæ doctrinæ, hypo-

